



Сыр бойы

Қызылорда облыстық қоғамдық-саяси газет • 1929 жылдың 1 шілдесінен шығады

№17
(20691)



1 ақпан, бейсенбі 2024 жыл

e-mail: syrboiy@yandex.kz

www.syrboiy.kz

www.facebook.com/syrboiy.kz/

www.instagram.com/syrboiy_kz

https://twitter.com/syrboiy

t.me/syrboiy_kz

ПРЕЗИДЕНТ



НЕГІЗГІ ӨНДІРІСТІК КӨРСЕТКІШТЕРДЕ ӨСІМ БАР

Мемлекет басшысы Қасым-Жомарт Тоқаев «ҚазМұнайГаз» ҰК» АҚ басқарма төрағасы Мағзұм Мырзағалиевті қабылдады.

Президентке компанияның 2023 жылғы операциялық және қаржылық көрсеткіштерінің қорытындысы туралы есеп берілді. Берілген мәліметтерге сәйкес, былтыр «ҚазМұнайГаз» 2022 жылмен салыстырғанда негізгі өндірістік көрсеткіштер бойынша өсімге қол жеткізген.

Сондай-ақ Қазақстан мұнайының экспорттық бағыттарын дамыту ісі жөнінде баяндалды. Атап айтқанда, Германияға және Әзербайжан бағытына «Баку-Тбилиси-Джейхан» мұнай құбыры арқылы шикізат жеткізіле бастады. Сондай-ақ Біріккен Араб Әмірліктеріндегі серіктестермен бірлесіп, танкер флотын кеңейту жұмыстары жүргізілді.

Сонымен қатар Мағзұм Мырзағалиев Қасым-Жомарт Тоқаевқа компанияның 2023 жылғы операциялық және қаржылық көрсеткіштерінің қорытындысы туралы есеп берілді. Берілген мәліметтерге сәйкес, былтыр «ҚазМұнайГаз» 2022 жылмен салыстырғанда негізгі өндірістік көрсеткіштер бойынша өсімге қол жеткізген.

Бұдан бөлек, Қасым-Жомарт Тоқаевқа «ҚазМұнайГаз» компаниясының кәсіпорындары орналасқан өңірлерде жүзеге асырылып жатқан әлеуметтік жобалар туралы айтылды. Мәселен, Президентке «Астрахан-Маңғышлақ» магистральді су құбырын қайта жаңғырту жобасының аяқталғаны (I кезең) және Маңғыстау облысы Жанаөзен қаласының қажеттілігі үшін жаңа су тұтыту зауытының құрылысы басталғаны жөнінде баяндалды.

ЖАҢА БАҒДАРЛАМАЛАРДЫ ІСКЕ ҚОСУ МАҢЫЗДЫ

Мемлекет басшысы «Бәйтерек» ұлттық басқарушы холдингі» АҚ басқарма төрағасы Нұрлан Байбазаровты қабылдады.

Қасым-Жомарт Тоқаевқа холдингінің 2023 жылғы қызметінің нәтижесі, соның ішінде кәсіпкерлік пен агроөнеркәсіп кешеніне қолдау көрсету, халықты тұрғын үймен қамтамасыз ету жұмыстары жөнінде есеп берілді. Былтыр холдинг активінің өсімі 12 пайыз болғаны туралы баяндалды. Компаниялар тобының инвестициялық және кредиттік портфелі 10 пайызға артқан. Ал таза табысы 7 пайызға жетіп, 400 миллиард теңгеден асқан.

Мемлекет басшысына былтыр холдинг арқылы 2 миллион шаршы метрден астам тұрғын үй пайдалануға берілгені жөнінде баяндалды. Тұрғын үй секторына 317,6 миллиард теңге инвестиция салынған. «Отбасы банк» акционерлік қоғамының ипотекалық бағдарламалары аясында жалпы сомасы 1 триллион теңгеден астам қарыз берілді.

Кездесуде холдингінің 2024 жылға арналған бастамалары туралы айтылды. Оның ішінде

агроөнеркәсіп кешені жобаларына 370 миллиард теңге инвестиция құю және 4 мыңнан астам жаңа жұмыс орнын ашу, өңдеу өнеркәсібінің, туристік саланы қаржыландыру, қалдықтарды қайта өңдейтін және сұрыптайтын зауыттар салу, «9-20-25» тұрғын үй бағдарламасын іске қосу сияқты шаралар бар.

Қасым-Жомарт Тоқаевқа «Бәйтерек» холдингінің бастамаларын жүзеге асыру нәтижесінде оның ел экономикасына қосатын үлесі жыл соңына қарай 2022 жылмен салыстырғанда екі есе артатыны жайында баяндалды.

Мемлекет басшысы экономикалық өсім мен халықтың тұрмыс сапасын жақсарту үшін жаңа бағдарламаларды іске қосу және кешенді тәсілдерді қолдану маңызды екенін атап өтті. Сонымен қатар холдингінің экономиканы артартандыру және стратегиялық мәні зор салаларды дамыту бағытындағы жұмысын жандандыру жөнінде бірқатар тапсырма берді.

СЕССИЯ

БІРҚАТАР ШЕШІМГЕ ӨЗГЕРІСТЕР ЕНГІЗІЛДІ

Сейсенбіде облыстық мәслихат төрағасы Наурызбай Байқадамовтың жетекшілігімен облыстық мәслихаттың кезектен тыс 10-сессиясы өтті. Оған депутаттар, басқарма басшылары және бұқаралық ақпарат құралдарының өкілдері қатысты.

Күн тәртібінде екі мәселе қаралды. Алғашқысы «Қызылорда облыстық мәслихатының депутаттарын сайлау жөніндегі округтік сайлау комиссияларын сайлау туралы» Қызылорда облыстық мәслихатының 2023 жылғы 17 қаңтардағы №179 шешіміне өзгерістер енгізу туралы болды. Сондай-ақ облыстық мәслихат депутаты Аманжол Оңғарбаевтың депутаттық өкілеттігі туралы қаралды. Аталған екі мәселе жөнінде облыстық сайлау комиссиясының төрағасы Әділбек Ерсұлтанов хабарлама жасады.

Облыстағы №4, №5, №8, №10 округтегі азаматтардың басқа қызметке ауысуына, сондай-ақ сайлау учаскелерінің құрамына енуіне және аудандық сайлау комиссиясына мүше болуына байланысты Байқоңыр қаласында, Қармақы, Шпелі, Жанакорған аудандарында 9 азаматты округтік сайлау учаскелерінің құрамынан шығару жөнінде ұсыныс берілді.

Аталған азаматтар өз өкілеттерін тоқтатса,

сайлау комиссиясы әр ауданға ұсыныс жолдап, сайлау округтеріндегі мүшелер, азаматтар, партиялар, үкіметтік емес ұйымдар өздерінің азаматтарын ұсынады. Одан кейін 2 ай мерзімінде толық сайлау өткізіледі.

Ал екінші мәселеге орай, Қызылорда қаласындағы №15 бірмандаттық аумақтық сайлау округі бойынша сайланған Қызылорда облыстық мәслихатының депутаты Аманжол Оңғарбаевтың 22 қаңтар күні Арал ауданының әкімі қызметіне тағайындалуына байланысты депутат ретінде өкілеттігін тоқтату жөнінде ұсыныс берілді.

Сондай-ақ ҚР Сайлау туралы конституциялық Заңына сәйкес, шығып қалған депутаттардың орындарына жылына 2 рет сайлау тағайындалады. Маңызды науқан наурыз және қазан айларының соңғы жексенбісіне белгіленеді.

«СБ» ақпарат

ҮКІМЕТ ОТЫРЫСЫ

СУ РЕСУРСТАРЫ: ҮНЕМ МЕН ОЗЫҚ ТӘСІЛ ЕҢБЕКТІ ІЛГЕРІЛЕТПЕК

Сейсенбіде ҚР Премьер-министрі Әлихан Смайыловтың төрағалығымен өткен Үкімет отырысында еліміздің су ресурстарын басқару жүйесін дамытудың 2024-2030 жылдарға арналған тұжырымдамасы, шағын және орта бизнесті қолдау шаралары талқыланды.

СБ Айгүл БАТТАЛОВА, «Сыр бойы»

Су ресурстары және ирригация министрі Нұржан Нұржігітовтің айтуынша, құжат саладағы қазіргі ахуалды және үздік халықаралық тәжірибені ескере отырып зерттеген. Еліміздің су қауіпсіздігін қамтамасыз ету үшін 20 жаңа су қоймасын салу және 15 жұмыс істеп тұрған су қоймасын реконструкциялау, сондай-ақ 14 мың шақырымнан астам ирригациялық каналдар мен гидротехникалық құрылыстарды жаңғырту көзделіп отыр.

Жиынға селекторлық режимде қатысқан облыс әкімі Нұрлыбек Нәлібаев Үкімет басшысына суды үнемдеу жұмыстары туралы баяндалды.

– Қазақстан Республикасының су ресурстарын басқару жүйесін дамытудың 2024-2030 жылдарға арналған тұжырымдамасын қолдаймыз. Аймақта су тапшылығына байланысты биыл күрші көлемі өткен жылмен салыстырғанда 12%-ға немесе 5 мың

гектарға қысқарады. Бұл бағытта ауыл шаруашылығы құрылымдарына түсіндірме жұмыстары жүргізілді. Егістікті артартандыруға басымдық беріліп, атындар лазерлік тегістелуде. Бүгінде күрші алқаптарының 55 пайызы тегістелген, осы жылы бұл көрсеткішті 68 пайызға жеткіземіз. Тәжірибе көрсеткендей, лазерлік тегістелген жерде суды 15 пайызға дейін үнемдеуге мүмкіндік бар. Бұдан бөлек, күршінің қысқа мерзімде пісіп-жетілетін, өнімділігі жоғары жана сорттары өндіріске енгізілуде.

Қазір Украина ғалымдарымен бірлесіп, күршінің «Виконт», «Премийум», «Маршал» сорттары жергілікті ауа райына бейімделіп, аудандастырылуда.

Өткен жылы Ресейдің «Яхонт», «Патриот» жана сорттары тә-

жірибе ретінде 71 гектар жерге егіліп, жақсы нәтиже көрсетті. Бұл сорттардың өнімділігі қолданыстағы сорттарға қарағанда 10 центнерге жоғары, вегетациялық кезеңі 10-15 күнге қысқа, суды 20 пайызға дейін аз қажет етеді. Суды пайдалану тиімділігін арттыру үшін егістік жердің 60 пайызын суландыратын «Сол жаға» магистральді каналына суды бөлу және есепке алуды автоматтандыру жұмыстарын бастадық. Бүгінде австралиялық «Rubicon Water» компаниясының тәжірибесін енгізу үшін жоба-сметалық құжаттар әзірленуде. Жаңа технологиялар көкөніс, бақша, картоп, малазықтық және жүгері дақылдарын егуге де пайдаланылуда. Бұл бағытта биылдан бастап 5 жоба жүзеге асырылмақ.

2-бет

2 АҚПАН – ҰЛТТЫҚ БАСЫЛЫМ КҮНІ

Биыл «Қазақ» газетінің алғашқы санының шыққанына 111 жыл толады. Алаш қозғалысының саяси ұстанымдарын жариялап тұрған басылым қазақ тілінде кәсіби газет стилін қалыптастырды, зор ағартушылық рөл атқарды. Ілкіде езіп көрген қоғамның көзін ашып, еркіндік атты ұлы ұғымды алға шығарды. Елеулі датаға орайластырып биыл алғашқы рет «Ұлттық басылым күні» атап өтілмек. Біз осы тұста «Қазақ» газетінің қазақ қоғамына қалай ықпал еткенін сөз етеміз.

СБ Мадияр ТӨЛЕУ, «Сыр бойы»

«ҚАЗАҚ» hәм ҚОҒАМ



АҒАРТУШЫЛЫҚТЫҢ АРНАСЫН АШҚАН

Өріден бастасақ, қазақ халқы XIX ғасырдың соңы мен XX ғасырдың басында жаңа тарихи кезеңдерге қадам басты. Жұрттың ағартушылыққа мұқтаж кезеңі. Соның әсерінен алғашқы қазақ кітаптары, ұлттық баспасөз құралдары, жаңаша мектептер пайда болып, ұлттық қозғалыстар қалыптасты. Ресей түркілері арасындағы қоғамдық-саяси және ағартушылық қозғалыс – «жәдитизмнен» қазақ қоғамы да қатыс қалмады. Қазақтар арасында да жәдиттік бағыттағы ағартушылық қозғалыс барынша өркендеп, Алаш идеясы өрістеді. Ұлтты ең алдымен ағартушылық hәм іскерлік жолға салу басты таңда болды. Халықтың сана сезімі мен ұлттық мәдениетті көтере отырып теңдік пен еркіндікке жетуге тырысты. Бұл жолда қазақтың тұңғыш басылымдары басты рөлді атқаруы тиіс еді.

4-бет

АРАЛ: САПАЛЫ ЖОБА – СЕНІМДІ НӘТИЖЕ

Кеше облыс әкімі Нұрлыбек Нәлібаевтың төрағалығымен Арал ауданының даму жоспарын қарау жөніндегі кеңес болды. Аймақ басшысы былтыр ауданның әлеуметтік-экономикалық дамуында оң динамика тіркелгенін атап өтті.

СБ Әділжан ҰМБЕТ, «Сыр бойы»

2-бет

ҚАЗАЛЫ: ҚАРҚЫН БӘСЕҢДЕМЕУІ ТИІС

Кеше облыс әкімі Нұрлыбек Нәлібаевтың төрағалығымен Қазалы ауданының даму жоспарын қарау жөніндегі кеңес өтті. Оған аудан әкімі Мұхтар Оразбаев, орынбасарлары және облыстық басқарма басшылары қатысты.

2-бет

СҰХБАТ

ЖҰМЫССЫЗДЫҚПЕН ЖҮЙЕЛІ КҮРЕС

Әлемдік тәжірибеде халықты еңбекпен қамту ісін басқарудың ертүрлі модельдері қолданылады. Мәселен, америкалық модель еңбекке қабілетті азаматтардың елеулі бөлігі үшін еңбек өнімділігі төмен, бірақ халықты кеңінен қамтумен ерекшеленеді. Сарапшылардың пікірінше, мұндай жағдайда жұмыссыздар қатары азайғанымен, кедейлік мәселесі шешілмейді. Ал скандинавиялық модель мемлекеттік секторда табысы орташа, еңбекақысы қанағаттанарлық жағдайдағы жұмыс орындарын көптеп аша отырып, негізгі күшті солай қарай тартуға бейімделген. Бұл модель негізінен мемлекет қаражатына арқа сүйейді. Үшінші еуропалық модель еңбек өнімділігін арттыру арқылы халықты жұмыспен қамту мәселесіне орайластырылған. Мұндай жағдайда жұмысшылардың жалақылары біршама жоғары болады. Қазақстанның қазіргі қолға алған шаралары осы модельге келіңкірейді, бірақ өзіндік ерекшеліктері аз емес.

Аймақта жұмыссыздық деңгейін төмендету мақсатында мемлекеттік бағдарламалар өз тиімділігін көрсетіп келеді. Осы орайда облыстық жұмыспен қамту үйлестіру және әлеуметтік бағдарламалар басқармасының басшысы Ғабит Жаңабаевпен сұхбаттасқан едік.

3-бет

